

АОДК ДКЯТнинг таркибий қисми ҳисобланади
ва Ўзбекистон Республикасининг барча
ҳудудидаги алоқа объектларини ҳисобга олиш
ва баҳолаш мақсадида юритилади.

Қуйидагилар АОДК объектлари ҳисобланади:

1. халқаро, шаҳарлараро, вилоят ва туман аҳамиятига эга бўлган телефон-телеграф станциялари, шу жумладан турғун алоқа асбоб-ускуналари ва магистрал линиялари;
2. алоқанинг тармоқ узеллари;
3. шаҳар алоқа телефон узеллари, станциялари ва линия иншоотлари;
4. туман телекоммуникация узеллари, шу жумладан станция асбоб-ускуналари, ҳудудий ва қишлоқ линия иншоотлари;
5. алоқа радиореле линиялари станция ва иншоотлари;
6. йўлдошли алоқа станциялари;
7. қабул қилиш — узатиш радиостанциялари;
8. кўчма объектларга эга бўлган қуруқликдаги радиоалоқа станциялари (шахсан радиочақирув, радиал тизимлар, уяли телефонлар);
9. радиотелевизион станциялар ва рентрансляторлар;
10. симли эшиттириш станциялари ва тармоқлари;
11. почта ва махсус алоқа объектлари.

Қуйидагилар АОДКни юритишнинг асосий принциплари ҳисобланади:

1. Ўзбекистон Республикаси ҳудудидаги барча алоқа объектларини қамраб олиш;
2. макон координатлари ягона тизимини ва ягона топографик асосни қўлланиш;
3. барча объектлар бўйича кадастр ахборотларини шакллантириш методологиясининг ягоналиги;
4. кадастр ахборотларининг ишончлилиги, кўрғазмалилиги ва ҳужжатлилиги;
5. кадастр ахборотларининг очиқлиги.

АОДКни юритиш бўйича ишларни мувофиқлаштириш Ўзбекистон Республикаси Ахборот технологиялари ва коммуникацияларини ривожлантириш вазирлигининг АОДК хизмати томонидан амалга оширилади.

- ЭОДК ДКЯТнинг таркибий қисми ҳисобланади ва энергетика объектларини ҳисобга олиш ва баҳолаш мақсадида юритилади.
- Фаолият кўрсатаётган ва қурилаётган гидравлик ҳамда иссиқлик электр станциялари, ўз ичига ёрдамчи станцияларни оладиган электр тармоқлари, «Ўзбекэнерго» давлат-акциядорлик компанияси таркибида жамланган ҳаво ва кабель линиялари ҳамда Ўзбекистон Республикаси ҳудудида жойлашган, технологик жараённинг яхлитлиги воситасида энергия тизими билан боғланган бошқа энергия объектлари ЭОДК объектлари ҳисобланади.
- «Ўзбекэнерго» давлат-акциядорлик компанияси ЭОДКни юритиш бўйича ваколатли орган ҳисобланади.

Қуйидагилар ЭОДКни юритишнинг асосий принциплари ҳисобланади:

- Ўзбекистон Республикаси энергетика объектларини тўлиқ қамраб олиш;
- макон координаталарининг ягона тизимини ва ягона топографик асосни қўлланиш;
- барча объектлар бўйича кадастр ахборотларини шакллантириш методологиясининг ягоналиги;
- кадастр ахборотларининг ишончлилиги, кўрғазмалилиги ва ҳужжатлилиги;
- кадастр ахборотларининг очиқлиги